

min ser unde min not, da mite ich biuangin bin,
 inmandunge bicherit werde. Ovch bite ich dich,
 herre sancte petir, in minis trehtinis namin
 unde dur minne des heiligin cristis, daz dv
 gihugest der gnadon, der got ubir dich tete,
 do dich herodes gibant insiben stetin mit isi-
 nin chetin. Gihuge, herre sancte petir, wie
 dich got irloste von der fiende giwalt, unde
 irbite mir umbe den selbin irlosere, daz er mich
 irlose dur sine gnade unde dur dine minne uon
 allir der not unde uon den angistin, da mite
 ich biuangin bin unde die ich dir geclagit han,
 unde irlose mich, alse unsir trehtin dich ir-
 loste uon der vinstri des karcharis unde uon den
 banden. herre, der warin sibirv: uon den banden
 allen so loste dich unsir trehtin. alsotvo ovch
 dv mich nu dur sine gnade unde dur sine minne
 uon allen angistin unde der not, der ich dir
 nv geclagit han, unde uon allen ubilen meni-
 schin unde wibin, die mir diheine not tvont
 unde mit diheinir freise mir wellen zvo chomin.

(Hs. des Klosters Muri B.4b bis 8b.)

ausch gedruckt Wahrenzettel, Altdeutsche Predigten (1846), 217 f.